

# Něr-seba n nãn pɔse bãŋe Azezi-krisi sõŋre ãyã



# Něr-sεba n nān pɔsε bāηε Azezi-krisi sōηrε ãyã

(Premiers pas dans la vie Chrétienne)

Traduit par : OUENA Kouliga Jean Pierre  
et par SIA Bagana Jacques



L'alphabet utilisé dans cette publication est en accord avec l'alphabet agréé par la Commission Nationale des Langues Burkinabè.


Première édition  
Première impression  
Quatrième trimestre 2009

© Comité de Traduction de la  
Bible en Ninkaré (CTBN)  
Guélwongo  
Nahouri, Burkina Faso

**NA0409**

## Sēņre yetoga


Pɔspɔsi ba dēņe zāsūm zās-ēna wā la Gāana Kumaasi Assemblée de Dieu wēndeego ayɫa puam. La de la Mr. J. E. Acquaye n gulse ē. La gōn-pɫka wā sōņe Gāana Assemblée de Dieu wēndeto la nērba mē zozo'e. Tōma mē tarɫ putē'eri mē tɫ a wun sōņe Burkina Faso Wēndeto nērba mē, bela tɫ tōma mōrņe lebge ē na ninkāre. Tōma pu'usri Gāana Assemblée de Dieu dōma zozo'e ba gōņo la zāsņo ãyā.



Bōno bayopu n boti nēra yēta fāagre.

**Bōno bayopu la n wāna:**

1. La de la fu sake ti fōn de la tōon-be'ero dāana.  
A'ezayi 53:6, Rom 3:23.
2. La de fu bāņe ti tōon-be'ero yōro de la kūm.  
Azā 3:36, Rom 6:23.
3. La de la fu bō sūra ti Azezi-krisi ki la tōma tōon-be'ero iŷā.  
Rom 5:8, 1 Pilyeri 2:24.
4. La de la fu teege yem base tōon-be'ero dee sose sugri.  
Yelbūna 28:13, 1 Zā 1:9.
5. La de la fu sake to'oge Azezi fu sūre puam.  
Azā 6:37, Pukre 3:20.
6. La de la fu bāņe fu sūre puam sūra sūra ti Azezi de la Fāagra. Azā 1:12, 1 Zā 5:12-13.
7. La de la fu tōge Azezi yelle bō nērba.  
Rom 1:16; 10:9-10.



Ya s̄an sake b̄on-b̄ana bayopɔi n boti  
ya ȳeta f̄aare la, p̄ospɔsi la wun base  
ti ya ze'ele k̄ank̄aḡe Kriṣi n de kugre n  
taru p̄aḡa la zuo.



Bela ti ya ȳaḡa wun ȳe Kriṣi n̄era z̄asḡo,  
la a yel-ure ya v̄om puam.

(Amatie 7:24-27, 1 Kor̄enti 3:12-14).

La ya mase me ti ya le t̄eeḡe b̄on-b̄ama bayopɔi yelle,  
dee m̄orḡe mina ba ya put̄e'ere puam.

La dagu ȳama m̄eḡa s̄oḡre m̄a'a, la wun ken s̄oḡe fu  
me ti fu pa'ale n̄erba baseba b̄on-seba ti fu taru  
put̄e'ere gu'ura la. (1 P̄lyeeri 3:15).

Ȳama n ȳe f̄aare la, la dagu ȳama m̄eḡa m̄a'a iya,  
la de la ya s̄oḡe n̄erba baseba ti ba m̄e ȳe f̄aare.




Fu sān sake bōn-bāna bayopɔi wā,

- fu lebge la Krisi nēra n yē dɔg-paalga.  
1 Pɩyɛɛɾɩ 1:23,
- fu lebge la nēr-paalga, 2 Korēntɩ 5:17,
- fu lebge la Nawēnne bia 1 Zā 1:1-2.

La de la lagɩmtāare ēŋa la Nawēnne n botɩ pu'usgo āna sōŋa. Pu'usgo de la Nawēnne n de ya Sɔ n boe saazuum n nāam ya la, la yāma n de akɔma n tɔgrɩ la taaba. Sɛla ka boe dūnia n mase bu n le gānna bia, la a Sɔ n sōsrɩ la taaba.

**1. Pu'usgo de la :**



a) Sosgo. Azeremi 33:3.


b) Pu'usgo de la fu sose, fu ε, la fu wē kulɩŋa.  
Amatie 7:7-11. La dagɩ sosgo, la belŋo mā'a.

c) A ken dɛna la nā'asgo. Yōom-gōŋɔ 103:1-5.

d) A ken dɛna la fu selse bāŋɛ Nawēnne n boorɩ tɩ a pa'alɛ sɛla. Yōoma gōŋɔ 85:8-9, Tōoma 10:9-13; 10:19-20.

Wakate sɛka Nawēnne pa'alɩ tōma mɛ a yɛm,  
la ēŋa n boorɩ se'em a yetɔga la puam.

Yōoma gōŋɔ 119:105. 130.



**2. Tōma wun pu'use la wāne wāne?  
La āne tɩ tōma wun pu'use?**

- a) Pu'use ya ya Sɔ Nawēnne n boe saazumm.  
Aluki 11:1-4.
- b) Pu'use ya da kān base. Aluki 11:5-8.
- c) Pu'use ya dee tara putē'ere tɩ ya Sɔ Nawēnne n boe saazuum wun lerge ya mɛ, dee bɔ ya a Sɩa.  
Aluki 11:9-13.
- d) Pu'use ya la Azezi yu'ure. Azā 14:13-14; 16:23.

**3. Bēm ĩyā tɩ la dɛna tɩ pu'use?**

- a) Tɩ tɩ da lui yelle sān paage tɔ. Amatie 26:46.
- b) Tɩ tɩ tā'age yē pāŋa. Efɛɛzɩ dōma 3:14-16.
- c) Tɩ tɩ tā'age yē ĩmā'asum. Azakɩ 5:14-16.
- d) Tɩ lagsgɔ la dāana tōm lagsrɩba. Aluki 10:2.
- e) Tɩ pu'use na'adōma la seba n soe ke'eŋɔ ĩyā.  
1 Timōtɩ 2:2.

**4. Yɛla zozo'e n boe n tā wun gu pu'usgɔ:**

- a) Tōma tōon-be'ero. Azayi 59:1; Yōoma gōŋɔ 66:18.
- b) A ka bɔ sɩra. Azakɩ 1:6-8
- c) Dɔke m sūure. Amarkɩ 11:25-26.
- d) Nēra n ka nānnɩ a pɔga buɩ a sɩra. 1 Pɩyɛɛɩ 3:7.
- e) Tē'esɛ be'ero. Azakɩ 4:3. 1 Za 5:14-15



f) Baga tē'esgə sūure puam. A'ezekiyel 14:3.

g) Sɩ'ɩsgə. Yelbūna 1:24-28.

**5. Azezi-krisi n de Nawēnnε Dayɔa la daan dɩkε folle zozo'e mε pu'usgə puam. Amarkɩ 1:35. La de la ēɲa n kã'anɩ tōma tɩ tɩ pu'usra. Aluki 18:1-8.**

**Azezi n pa'ale a karēbiisi ti ba  
pu'usra Nawēnne se'em n wāna :**

**Tōma So Nawēnne n boe saazuum,**  
boti fu yu'ure yēta pēka,  
wa'am wa di na'am nērba tējasuka,  
boti fōn boori se'em ēṅe tēja zuo,  
wu lan uti fōn yire se'em na.  
Bo to ti zīna dia.



Base ti tōon-be'ero taale,  
wu tōma n mē base seba  
n ēṅe tōma be'em taale se'em na.

Da base ti yelle paage to ti ti lui.  
Fāage to be'em dāana nu'usum base.

Ti fōn soe so'olum, la pāṅa,  
la nā'asgō wakate n ka ba'asri.

Amina.

Amatie 6 : 9-13

## Zāsgo - 3 - dāana

### **Nawēnne gōᅇᅇ karēᅇre la a zāsgo**

Zāsgo sēka n tole la puam tōma yē me tu la de la pu'usgo puam, tu tōma la Nawēnne lagnu taaba. Pu'usgo de la sosgo, la nā'asgo la Nawēnne yetoga selsgo. La Nawēnne ken togra la tōma me la yetoga n de a gōᅇᅇ la.

1. Nērsaala kān vca la dia mā'a īyā, la de la yetog-sēba n yesru Nawēnne nōorum īyā. Amatie 4:4. Se'ere n soe la, ēᅇᅇ nōore yetoga boe la wakate n ka taru ba'asgo. Amatie 24:35.

2. Tōma mase me tu tē'esra Nawēnne yetoga la yelle daare woo. Yōoma gōᅇᅇ 1:1-2.

3. Nawēnne gōᅇᅇ la wuu de la Nawēnne n botu ba gulse. 2 Timōtu 3:16; 2 Plyeeri 1:21.

4. Nawēnne gōᅇᅇ la karēᅇre sōᅇre de la:

a) A pa'alu tōma la sura. Azā 17:17.

b) A fāage tu me, dee bō'oru tu yem. 2 Timōtu 3:16.

c) A de la peelem bō to tu sore zuo. Yōoma gōᅇᅇ 119:105.

d) A gu'ure tu me tu tu ka tōnna tōon-be'ero. Yōoma gōᅇᅇ 119:9-11.

(Nēra ayēma yetu: «Nawēnne yetoga botu ti zāara ti mēṅa la tōon-be'ero, bu tōon-be'ero n botu ti zāara la Nawēnne yetoga.»)

e) A de la tōma sɩa dia. 1Pɩyɛɛɩ 2:2.

f) A bɔ'ɔɩ ti la tā'are sɛla woo puam. Azoze 1:8.

## Zāsṅɔ - 4 - dāana

### **Ko'om misga yelle**

Ba zāsɩ ko'om misga yelle wēndeto zozo'e puam mɛ,  
la ba wuu ka wōnnɩ a vōore buyɩa. Tōma boorɩ mɛ ti  
zāsṅɔ ēna wā puam, ya bāṅɛ ko'om misga yelle wuu n  
ān se'em.

Bɛla ko'om misga vōore de la a pa'alɛ ti Azezi nēra tā  
wun lagɩm la wēndeego nērba la mā'a bu?

Ko'om misga vōore mēṅa mēṅa de la bēm?

Āne ti ba tā wun mise ko'om?

Wakatɛ ti tā wun yē ko'om misga?

Azezi nērba wēndeto la tarɩ la kā'an buuri to'oto'ore  
ko'om misga la yelle, kā'an bāma de la bēm?

Ba vōore de la bēm?

1. Ko'om misga dagi sɛla n de malɔɔ mā'a, a de la dǎalgɔ n boe nĕra vɔm puam, pa'ala ti Nawĕnne yel-sōnne. Amarku 16:15-16.

a) Yel-sōnne tōone de la ti sake ti Azezi-krisi ki dee vo'oge la tōma tōon-be'ero ĩyǎ, ti a botu tōma tā'age le nāage la Nawĕnne. La de la bela n soe ti tōma ki ti tōon-be'ero puam, dee vo'oge ti ti tā'age yĕ vɔm pa'alga.

b) Fu sǎn botu ba mise fu ko'om puam nĕrba wuu nifum, bela n de dǎalgɔ pa'alɛ ti yel-sōnne tōone na ĕɔe me fu ĩyǎ. Rom dōma 6:3-5.

2. Sɛba wuu n base tōon-be'ero dee to'oge kō-yĕlga la, sake sose sugri la, tā wun mise ko'om me. Amarku 16:15-16; Tōoma 2:38; 8:36-37. Bǎɔe ya ti la de la bōn-ĕɔa ĩyǎ ti wĕndeto zozo'e dōma ka misra kɔm-pɔgsɩ, la bilɛɛsɩ ko'om. Kɔm-pɔgsɩ la bilɛɛsɩ n ka mi tōon-be'ero n de sɛla la, ka tā wun teege yem sose sugri sake kō-yĕlga la. Bela n soe ti ba ka tāna wun mise ba ko'om.

Azezi nĕrba tĕ'ese me ti lan dĕɔe ba wun mise nĕra ko'om la mase me ti a dɛna:

a) Nĕra n paage yuuma pia la ayi n we'esɩ, ti a mina a sugri sɔsga la vōore.

- b) A dɛna nɛra n sɔse sugri sɪra sɪra, dee tɔna wun bɔ a mɛŋa kaseto Azezi-krisi doosgo la puam.
- c) A dɛna nɛra n vɔa Azezi-krisi nɛra vɔm, dee base dɔg-mike tɔoma la wuu.
- d) A dɛna nɛra n sake doose zɔs-sɛba ti ba zɔsnɪ nɛr-sɛba pɔsɛ bɔŋɛ Azezi la ba'asɛ. Bɔŋɛ ya ti bɔn-bɔna wɔŋa de la nɔana, se'ere n soe la tɔma mi ti la de pɛrgre ti nɛra woo bɪ paage yuun-sɛka ti a wun tɔ'age bɔŋɛ sɔŋa la be'em bɔkɛ, ti a yɔŋa tɔ'age looge yɛm sɔse sugri. Tɔma le mina mɛ ti Azezi nɛra mase mɛ ti a welge a mɛŋa la dɔg-mike yɛla, la bɔn-sɛba wuu n tɔ wun sɔ'am a yu'urɛ, ti kaseto sɛka ti nɛrba wun bɔ a ko'om misga daare la, wun dɛna Azezi nɛra vɔm n ɔn sɔŋa dee mase kaseto. Tɔoma gɔŋɔ 8:9-21 la puam buraaga ayɪla yu'urɛ n de Asimɔ n daan botɪ ba mise ɛ ko'om puam, dee ti a vɔm daan ka mase Nawɛnnɛ. Tɔma tarɪ putɛ'erɪ mɛ ti nɛr-sɛba n doose zɔsŋɔ ɛna wɔ ba'asɛ, ba wun dɛna la nɛrba n zɛ kɔŋkɔŋɛ Nawɛnnɛ sore la puam, kɔn ɔna wu bura-ɛŋa.

4. Misga la yetɔga vɔore de la ba mise yusɪ, la dagɪ ba ɛŋɛ ko'om mɔise, la dagɪ ba purge ko'om ɛŋɛ zuo, la mɛ dagɪ sua.

- a) Azezi mɛŋa ba mise ɛ na yusɪ. Amatie 3:15-17.
- b) Tɔma mase ti doose la Azezi mɔmsgɔ la. 1 Pɪyɛɛɪ 2:21.

c) Tōoma gōḡo 8:38, tōma karēḡu ti Afilipi la Etiopi tēḡa buraaga la doose la taaba sige ko'om puam.

d) La sān dēna ti ko'om misga de la māmsgo n pa'alu ti tōma ki me ti tōon-be'ero puam ti ba laage tō wu Rom dōma 6:4-5 n yeti se'em na, tōma mase ti ti bāḡe ti fu sān ēḡe tēntōnḡo yugse kūm zuo la dagi laare, ba ka wi'iri bela ti laare.

### Zāsḡo - 5 - dāana


## **Nawēnne Sīa yelle**

Azezi nēra sān to'oge Nawēnne Sīa pāḡa, bela n boti a dukra a mēḡa, a iḡā, la a yem, la a sīa wuu basra Nawēnne'usum. Fu sān to'oge Nawēnne Sīa pāḡa, a boela fu le wakate wuu. Azā 14:16. Fōn to'oge Nawēnne Sīa pāḡa ti a sōḡra fō daare woo ti fu dukra fu mēḡa basra a nu'usum na, mase ti a lta wakate wuu. (Fu sān to'oge Nawēnne Sīa pāḡa ti a bōna la fu le, ti fu duke fu mēḡa base a nu'usum ti a tōona la fu le, bela mase me ti la dēna sela n lti wakate wuu.) Ti sān duke makre la loore, ti mi ti a batru la mase me ti ba tēera ē wakate woo. La mē de la bela la Azezi-krisi nēra vōm.

Lan dēņe ya wun yē zāsņo ēna wā, tōma mi tu ya tā wōm nērba n tōgru Nawēņne Sīa yelle wu a de la Nawēņne. Asīra a de la Nawēņne. Tōma bō sīra mē tu Zuudāana Nawēņne de la Nawēņne ayīla, wu lan yele se'em a gōņo la puam na. Lōō gōņo (Deutéronome) 6:4. La tōma bō sīra mē tu a de la batā ayīla puam. Nawēņne n de Sō, la Azezi-krisi, la Nawēņne Sīa. Aluki 3:22; Amatie 3:16-17; 28:19.

Nawēņne Sīa la pōn bōna la tōma le mē wakate sēka tu tōma teege yem sose sugri la. La de la bēla n soe tu Nawēņne gōņo tōgra dōg-paalga yelle bu dōge la Nawēņne Sīa yelle. Azā 3:3-6.

La de la bēla tu Nawēņne gōņo la ken yetu nēr-sēka n ka taru Krisi Sīa, dagu Krisi dēņne, dee le yetu sēba wuu tu Nawēņne Sīa pa'alē ba sore la, de la Nawēņne kōma. Rome dōma 8:9-14. Ba ka tōm Nawēņne Sīa tu a yēse tōon-be'ero, la de la Azezi zūm n yesru tōon-be'ero. 1 Zā 1:7. Nawēņne Sīa to'ore de la a bō Azezi nēra pāņa tu a tā'age bō Azezi kaseto. Tōoma gōņo 1:8. Tōma wōm Azezi mēņa n yetu: «Mam wun sose n Sō tu a bō sōņra n de sīra Sīa, tu a bōna la ya le wakate n ka ba'asru, a de la sīra Sīa tu dūnia dōma ka mi. Azā 14:16-17.





Bela tōma tā wun yeti:

1. Nawēnne Sla de la Nēra. A de la batā ayila puam na nēra ayila. 1Zā 5:7; 1:1,14.

2. Kisi mēḡa n bɔ a karēnbiisi nōore ti ba ε Nawēnne Sla ti a bɔna la ba le. Aluki 24:49; Tōoma gōḡɔ1:8; Efεεzi dōma 5:18.

3. Nēr-sɛba wuu n bɔ Azezi sira tā wun to'oge Nawēnne Sla με. Aluki 11:13; Tōoma 2:30-39.

4) Fu sān to'oge Nawēnne Sla la, a taru la yela zozo'e:

a) A bɔ'oru la pāḡa ti fu tāna wun bɔ kaseto. Tōoma gōḡɔ 1:8.

b) A boti fu bāḡra με ti fōn de la tōon-be'ero dāana. Azā 16:7-11.

c) A boti Azezi nēra woo n tāna wun ε Nawēnne Sla bɔ'a tōoma la wuu. 1Korēnti dōma 12:4-11.

d) A boti Nawēnne yetɔga la n malgra tɔ. Azā 17:17; 1 Pιyεεri 1:2.

e) A taru la Nawēnne nōḡlum sēna ti sūure puam. Rome dōma 5:5.

f) A taru tōma με sira la wuu puam. Azā 16:13.

g) A boti tōma dabeem wuu yεsra με, dee bɔ'ora tōma pāḡa, la nōḡlum, la yem n ān sōḡa. 2 Timōtu 1:7.

## Zāsno - 6 - dāana

### Bõn-sēba tu tōma bõ sira

**Tōma bõ sira mē tu:**

1) Nawēnne gõno la de la Nawēnne mēna yetoga tu  
Nawēnne botu ba gulse la a Sira la a pāna.

2 Pilyeri 1:20-21; 2 Timōtu 3:16.

La a de la tōma tā'are la tōma yel-ure n ka tuuri.

Yōoma gõno 119:11; 105; Azā 20:31.

2. Nawēnne ayula mā'a n boe wakate n ka ba'asru, ēna  
n de batā ayula puam: So, la Dayca la Nawēnne Sira.

Aluki 3:22; Amatie 3:16-17; 28:19.

3. Sela n pa'ale tu Azezi-krisi de la Nawēnne de la  
bāna:

a) A doka la yelle. Amatie 1:23; Aluki 1:35.

b) Ēna n mase sela woo puam na.

1 Pilyeri 2:22; Ebre 4:14-15.

c) A tōon-yālma la urgo. Azā 2:11; Tōoma 2:22; 10:38.

d) Ēna n ki kūm dō-puurna zuo tōma iyā la.

Rome dōma 5:8-10; 2 Korēntu dōma 5:21.

e) Ēna n vo'oge la. Amatie 28:6; Tōoma 3:13-15;

Rome dōma 1:3-4.

f) Ēna n lebe ka zē Nawēnne zuugo bōba la.

Tōoma 1:9-11; Filipi dōma 1:9-11; Ebre 1:3.

- g) Ēņa n wun leme wa'am la na'am pāņ-kāte dūnia zuo la. Amatie 24:30.
4. Bōn-sēka n tā wun yese nēra tōon-be'ero de la a sān sake teege γεμ, bō Azezi zuum na sira.  
1 Pιyεερι 1:18-19; Efεεζι dōma 2:8-9.
5. Fu yē dōg-paalga la Nawēnne Sιa, de la sēla n de pērgε bōnō fāagrε la puam.  
Azā 3:3-6; 1Pιyεερι 1:23; Atiti 3:5.
6. Azezi-krisi n ki kūm dō-puurņa zuo la bō'oru tōma ĩmā'asum με, tōma sān sose ē pu'usgō puam, dee bō sira. Azayi 53:5; 1 Pιyεερι 2:24.
7. Azezi nēr-sēba n sosri Nāwēnne Sιa la n to'oru ē. Tōoma gōņō 2:24; 10:45-46; 19:6; Aluki 11:13.
8. Nawēnne Sιa tōone de la a sōna Krisi nēra sūure tu a tāna wun vōa pupeelem vōm. 1 Tesaloniki dōma 2:13; 1 Pιyεερι 1:5; Atiti 2:11-12.
9. Tōma Zuudāana Azezi mēņa wun leme wa'am.  
1 Tesaloniki 4:16-17.
10. Nēr-sēba n bāņε Azezi, la nēr-sēba n ka bāņε Azezi wuu wun vo'oge με, tu baseba yē vōm n ka ba'asri, tu baseba sēņε nāmsgō n ka basri zē'am.  
Pukre gōņō 21:27; 20:11-15.

## Zāsḡ - 7 - dāana

### Azezi nēra la dūnia

Nāwēnne gōḡ sān tōgra dūnia yelle, la dagi tēḡa wā ti ti vca a zuo la yelle. A tōgru la bōn-sēka n boe nērsaala vcm puam, botu a ka nanna Nawēnne dee lta a yem n booru se'em n de be'em na. Apolu yeke me ti Ademasu base ēḡa me, ēn nōḡe dūnia wā bōn-yooro la iyā.

2 Atimōtu 4:10. Tōntōnna Azā yeke tōma yetu ti da nōḡe dūnia, la bōn-sēba n boe dūnia puam, se'ere n soe la, dūnia la bōn-bāma wuu wun tole me. 1 Zā 2:15-17.

1. Azezi pu'usse tōma iyā me yetu: Baa tōma n boe dūnia puam na, dūnia ka soe tōma. Azā 17:14-17.

2. Bēla n soe ti tōma bōna dūnia wa puam dee ka mase ti ti lta wu dūnia dōma la. Rome dōma 12:1-2; 1 Korēntu dōma 7:29-31; 2 Korēntu dōma 6:14-18.

3. Bēla yela bayi n boe tōma nēḡa, ti tōma mase ti lta wu Azezi la:

a) Tōma mase me ti ti nōḡe sela n mase. Ebre 1:9.

b) Tōma mase me ti sise be'em. Ebre 1:9.

Tōma ka tā wun nōḡe sela n mase, ti tōma sān ka sise be'em. Ti sise be'em pa'al lta tōma n nōḡe sela n mase la.

La dagu ti zāage ti mēŋa la tōon-be'ero mā'a. Ti sān zāage ti mēŋa la tōon-be'ero, ti welge la to'ore dēna Nawēnne nērba.

4. Kriŋi nēra mase me ti zāage a mēŋa la tōon-be'ero dee tara bōn-seba ti Nawēnne Sɪa bɔ'ɔɾɪ la. Ti wun yē bōn-bāma ti ba sōre Galati dōma 5:16-25; la 2 Πιγερɪ 1:3-9.

5. Bōn-bāma wuu de la ti tã'age tōnna bɔ'ɔɾa Kriŋi n de ti dāana la, dee mē ken sōŋe ti zamāana wā nērba. Bela, tōma nēra woo mase ti a dēna:

a) Kaseto dāana. Amarkɪ 16:16-18; Amatie 28:19-20; Tōoma gōŋɔ 1:8.

b) wu yaarum Amatie 5:13.

c) Peelum Amatie 5:14-16.

d) Sudaaga. 2 Atimōtu 2:1-4.

e) Tōntōnna. 2 Korēntɪ dōma 5:17-21.

Ya sān bɔɔra ti ya lebge Azezi-kriŋi nēra, bu ya sān bɔɔra ti ya soke bāŋe zāsŋɔ la vōore, yē ya tēŋa la wēndeego karēnsāama ti a wun pa'ale ya, ya wun ēŋe se'em.

# Yel-sɛba tɪ ya wun yē gōn-ēna wā puam n wāna

## *(Table de matières)*

gōn-vōoro (*pages*)

Zāsɲɔ 1 dāana : Fāare yelle.....	4 - 5
Zāsɲɔ 2 dāana : Pu'usgo.....	5 - 7
Zāsɲɔ 3 dāana : Nawēnne yetɔga karēɲɛ.....	8 - 9
Zāsɲɔ 4 dāana : Ko'om misga yelle .....	9 - 11
Zāsɲɔ 5 dāana : Nawēnne Sua yelle.....	12 - 14
Zāsɲɔ 6 dāana : Bōn-sɛba tɪ tōma bɔ sɪra.....	15 - 16
Zāsɲɔ 7 dāana : Azezi nēra la dūnia.....	17 - 18